

*Nowa Doba 13.07.1974:*

Sylna delegacija prodrustwownikow z Radworja poby spočatk tydženja (08.07.-10.07.1974) na třidnjowskej ekskursiji w CSSR, w prodrustwje Kunčina we wokrjesu Svlta w sewjerno morawskim kraju. Zwiski mjez woběmaj prodrustwomaj hižo dlěši čas wobsteja. Radworscy wotmołwachu ze swojim zajězdom na wopyt prodrustwownikow z Kunčiny lětsa w Radworju. Holcy w pyšnej narodnej drasće, młode čłonki prodrustwa Kunčina, powitachu Radworskich po tradicionalnym wašnju z chlébom a selu.

Předsyda prodrustwa Kunčina, J. Kučera, postrowi delegaciju najwutrobnišo a přeješe wšitkim rjany přebytk.

Tutón zajězd bě wulkotne dožiwjenje za staršich kaž za młodych, za plahowarjow skotu runje tak kaž za dejerjow w modernym kombinácie a za mnohich traktoristow. Zdobom pak bě tutón zajězd wuběrna wuměna nazhonjenjow mjez spřečelenymaj prodrustwomaj.

Třidnjowski wopyt pola dobrych přečelow je so wšěm wulkotnje lubił, kóždy měješe njezapomnite wutrobite dožiwjenja. Hač běchu to mnoho wosobinskich zetkanjow z čłonami prodrustwa Kunčina, hač bě to wopyt w modernej wulkokormjerni swini Stare Město, w kotrejž produkujaja wjace hač 50 t swinjaceho mjasa wob lěto, hač bě to wulět do rjaneje sewjeromorawskeje krajiny, na hród Bouzov, hač do wjeski Javořice, w kotrejž su fašisća w poslednich dnjach wójny 38 mužow zamordowali, abo do bliskeje piwarnje. Běchu to dožiwjenja, kotraž njemóžeš ze słowami zwuraznić.

Na rozžohnowanskim wječoru rěčeše Radworski předsyda Helmut Gäbler wšěm z wutroby, hdyž zwěsći, zo su so Radworscy w Kunčinje kaž doma čuli. Wón džakowaše so za rjane hodžiny serbsko-česko-słowakskeho přečelstwa, kotraž budže so w přichodnym času dale hajić na dobro čłonow wobeju prodrustwow.